

# KERATAN AKHBAR

TARIKH : 18 MEI 2023  
AKHBAR : BERITA HARIAN  
MUKA SURAT : 23

## Sasar tenaga solar jadi kegunaan di semua rumah

# Sasar tenaga solar jadi kegunaan di semua rumah

Kementerian Ekonomi menyasarkan untuk menjadikan tenaga solar sebagai kegunaan di setiap rumah untuk mengurangkan bebanan bil elektrik rakyat bagi jangka masa panjang.

Menteri Ekonomi, Rafizi Ramli, berkata negara sedang ber-

alih kepada fasa ekonomi hijau dalam usaha menstrukturkan semula ekonomi negara ke arah ekonomi bernilai tinggi serta menjamin kelangsungan

tenaga negara.

Katanya, ia adalah sebahagian tekad Kementerian Ekonomi dalam usaha merancang pelaburan dari dalam dan luar negara dalam sektor baharu seterusnya mewujudkan peluang pekerjaan berpendapatan tinggi.

"Insya-Allah, lebih banyak inisiatif akan dilaksanakan untuk mempercepatkan peralihan kepada ekonomi hijau dari semasa ke semasa," katanya dalam satu hantaran di Facebook.

Rafizi berkata, kerangka dasar yang membabitkan ekonomi hijau perlu ditambah baik untuk mempermudah dan menggalakkan pelaburan serta penyertaan sektor awam dan swasta.

Beliau berkata, seba-

gai langkah permulaan, Kementerian Ekonomi dengan kerjasama Kementerian Sumber Asli, Alam Sekitar & Perubahan Iklim (NRECC) telah bersepakat untuk meningkatkan kapasiti penjanaan tenaga boleh baharu (TBB) bagi mewujudkan peluang pertumbuhan ekonomi baharu.

"Pembangunan TBB berkonsep *self-contained system* diperlukan untuk menggalakkan pelaburan di sepanjang rantaian nilai industri TBB.

"Sebagai langkah permulaan, sistem solar akan dibangunkan di bangunan-bangunan kerajaan, kementerian & agensi kerajaan dan dasar perdagangan TBB rentas sempadan dibenarkan melalui kaedah sistem pasaran tenaga elektrik," katanya.

Insya-Allah, lebih banyak inisiatif akan dilaksanakan untuk mempercepatkan peralihan kepada ekonomi hijau dari semasa ke semasa

Rafizi Ramli,  
Menteri  
Ekonomi

